

نظم

میری بولی دیس پنجاب دی ایہنوں لے گئے کالے چور  
 اسیں گنگے بولے ہو گئے ساڈی گھر وچ بن گئی گور  
 ساڈا پہلو ای ددھ پھٹیا اجے لائی وی نہیں سی جاگ  
 کیہ کھانی اساں اے چوڑی کیہ جاگن ساڈے بھاگ  
 راتیں خواب چ دیس پنجاب نے مینوں دتا اک سنانہ  
 اٹھ جاگ دے پُڑا ستیا تیری مردی جاوے ماں  
 تُوں کیوں نہیں دارو لبھدا کیوں لیندا نہیں کنسو  
 جے دیکھی قدر زبان دی کتے کتیاں وچ کھلو  
 دس ویلے دیا حاکما ایہ لکھیا کتھ اصول  
 چبھ اپنی نوں وڈھ کے میرا گڈو گیا سکول  
 اج اک نمانا بولیا کل بولن گے کئی ہور  
 فیر چوئے سمندر بن کے ٹرن کوئی ایسی ٹور  
 حق منگیے اک مٹھ ہو کے اتے جگ وچ پے جائے شور  
 ایہ دھرتی آکھے مان نال میرے پُڑ نہیں کمزور

☆☆☆